

東流縣志卷三十

安徽池州府東流縣知縣

吳篴撰

序錄

昔在先王奠壤析原經土定民分命重黎北正司地故有原圖呈瑞中經兆記納賦作貢肇詳夏書職方誦訓列于周官惟我夫子取百二十國之寶書以成春秋是知三代以上九州之廣家有其乘國有其史疆理天下若指諸掌秦漢代降典籍放失至班氏始志地理而陳壽始分三國下此則華陽國志獨限方隅太康地志初標元號後世所仿數體畧具若一邑成編求其善本惟

東流縣志

卷之三十

序錄

一

景定建康之藉宋氏長安之纂記載詳漏得失相參蓋志之體裁實符乎史封域陵谷建置興廢災祥政事之紀忠誼偉節循吏名賢孝子弟弟貞婦淑女之行風俗徭賦版籍齋祀之數祠墓遺蹟詩文謠咏之傳所以彰勸萬民咸和庶政者罔不該備是以

國家著之憲典命其守土舉偏修墜弗敢荒棄而東流瀕於大江右襟豫章左系皖口亦四達之邑也簾以承乏來尹是邦咨考載乘多所闕遺乃訪論故實求其原始縣之有志實始於明正德十五年知縣李渾所輯而教諭謝明爲之序其序畧曰正德十五年冬十月東流

知縣李渾奉臺檄詣鬻舍語明曰江右有宗藩之變天子恭行天討逆臣就縛於鑠之師方班卽命官編採諸郡邑志猗歟休哉偃武修文以綿國家億萬年之治於斯兆矣慨茲東流志久闕當如檄纂修以獻越翼曰周咨於士民之家得摹本一越五日又得摹本三爰合翻閱脫畧糅雜於是日夕祇若殫一得之愚而編纂之隨事布目推故爲新悉錯綜於郡而定之以一統志焉故志風俗而民習之浮澆可知志戶口而民數之登耗可考志土產而民生之豐儉可驗志田賦而公歛之盈虛可稽志宦蹟而吏治之得失可鑒志學校而士風可振

東流縣志

卷之二十

序錄

二

志祀典而神幽可歆志徭役而財力可均志水利而稽事可重志武備而寇侮可遏志惠政而犢獨可哀志郵舍而明隱可達志津梁而病涉可通志災異而天戒可畏凡若此者舉切於政而不可少廢焉者豈直紀跡隸事資人之見聞而已哉書爲圖二爲目三十而附之者十有四釐爲二卷由是知縣渾爰加校刻裝潢成帙而上獻焉閱五十五年爲萬歷二年知縣陳春議修之而聘邑人汪文爲撰定其序畧曰東流自南唐建爲邑宋元因之至我明爲南畿邑正德庚辰慈谿李公始輯爲志草創之志文獻不足迨隆慶辛未邑令仁和陳公觀

民設教取志閱而歎曰致治之要於是在矣惜其中有遺者冗者訛者辭者未備者圖重修之未遑也越萬歷甲戌命予任其事且曰古之著書者必出於一人之手自成一言宋子京歐陽永叔皆良史才也而同修唐史則一書之中或相舛迕永叔自爲五代史則義例精密其故可鑒也余用是博采旁搜觀今剔古取前志加以考核凡有關於治道者悉錄以呈立義定類修飾潤色爲圖二爲卷十有二爲目二十有四因而附之者十有九曰紀六曰狀二曰考九曰傳五繼之以叙論綱舉而義協事比而序不亂猶懼不足以鑒古而垂後也復

東流縣志

卷之三十

序錄

三

命司諭張公司訓陳公李公集弟子員互相較正皆煥然秩然而此志遂蔚爲一邑之全書焉邑何幸哉公捐俸鳩工鋟梓以傳邑之人與後之令此者因六紀而思所以弼成焉因二狀而思所以慎守焉因九攷而思所以經理焉因五傳而思所以匹休焉則此志之成有以維世道淑人心也而豈小補云乎哉又閱七十八年爲國朝順治九年知縣蘇宏謨復創修之其序畧曰國家龍興東甸定鼎中原典禮定樂將令職方氏掌天下之圖周知其大小相維制職制貢之數以臻同文之治爲之牧者其可勿仰承天庥豫爲之圖歟東流瀕江

爲邑延袤二百餘里先是衣冠輻輳商賈叢集風土頗饒以畔師焚戮頓至邱墟謨承乏於茲恒懼民力未甦竊惟邑之有志猶國之有史也東流以燐燹初息並典冊而置之亦當事之羞於事齋宿詣學官揖邑人士而詢其故咸願襄成乃詹日設局請二學師董其成擇人士之淹通者爲佐山間有流樵者舊選士也可備諮詢禮致乃未謨因曰今之宰一邑猶蘧廬也始入風氣利弊難以卽知旣之而因革興廢不及晰終得晰而瓜期已至行之將何日耶今藉諸君而成斯志於舊事有徵矣且疆域之在天下猶身也集邑而成郡集郡而成省

東流縣志

卷之三十

序錄

四

半臂之使全體之所由強也四方之書一統之所由大也異日者

國家收郡縣圖籍成一代之冊使小史外史世世職之東流雖渺亦足以彰文治昭明德貽萬禩而無窮竊謂此舉也善上善下可以飾予固陋而藉以不朽行一物而三善得者此其是歟又閱百有六年爲乾隆二十三年知縣蔣綬又增修之其序畧曰周禮外史氏掌邦國四方之故以志山川土田賦稅畜擾尚矣漢班孟堅本之作地理志後世祖其製以紀所司名之曰志所以陳詩納賈備輶軒以觀好惡者也東流古彭蠡下邑也禹

貢東滙爲彭蠡東爲中江又曰彭蠡旣瀦陽鳥攸居識者繹之謂中江今東流地陽鳥依居卽東流雁汊無疑自南唐析縣代凡屢易宋元而降彫殘盡矣余承乏茲土覽其城郭川原人民風教之渾樸未嘗不歎聖朝深仁厚澤靡土不敷若斯其志優且渥也抑自念之地邑民居必參相得此邦之故戶口幾何賦役幾何山川之清晏人事之廢興幾何吾有所受之也厥爲志焉明萬歷時之所輯無存矣至順治九年肇修成集迄今百有餘年

聖祖

東流縣志

卷之三十

序錄

五

世宗之所漸被循吏良牧之所經營書缺有間余茲惴惴懼無以昭法守示來茲集邑人士而議之肇事於仲春凡數閱月而稿成細加訂正爲綱九爲目五十徵文攷獻縷析條分載籍之所傳見聞之所及靡不詳記志成邑人士請叙一言余曰爲上可望而知爲下可述而志孔子言之今

聖天子因心作則布德寰中良法美意天下咸知廉法相維儀型共式所在有志述之也余不文茲志聊以紀朝廷之美備示道路之蕩平誠不敢謂一日之編摩足資靖獻也抑或者詳記章程細臚事物用以攷鏡方來

後之君子踵其事而華之則余之所厚望也時國子教習邑人汪君思迴實綜其文方之前志搜訪畧備然其爲書泛而不該糅而無當繪列虛景反疏疆域之圖條舉細端乃失表志之例好緣飾而不雅標論議而不文考文獻者能無遺憾也哉且志之停修已六十年及今勿輯後將何觀箴乃集議重纂商核名例詢於耆長僉維余同經始於嘉慶二十有二年秋九月至二十三年五月而志成補偏救亡闡幽彰顯治禁所繫雖瑣必書懲誘無從雖鉅則削經緯潤澤殫於厥心夫東流之民敦龐執愿不以豪侈相高服田力疇愛其長上而地隘

東流縣志

卷之三十

序錄

六

人疏戶少儲峙冠蓋風流亞於他邑箴之固陋與民相習思以朝夕噢咻漸摩而化如其禮樂以俟君子若茲志者亦綿蕞之所由損益之所鏡也凡爲圖八爲表三爲志十有二爲傳十有二其序曰

聖孕函夏錯陳井封南陬綺疊規茲一同畫壤標原陌絡阡通四竟是治勉奏爾庸述縣境圖第一

崇墉翼翼枕乎江流屢肆所藏衣冠所游環繪百雉比屋康衢興仁交讓爲君子都述城郭圖第二

鳴析可聞修滕相庇里舍攸繁分綜則易晷羅星布各知其鄉以告遂人以安我氓述唐豐上鄉圖第三唐豐

下鄉圖第四維新鄉圖第五晉陽鄉圖第六  
我瞻宮牆葺廢載新几筵初布俎豆孔陳禮堂寫範享  
室明裡敬摹榱桷式起彬彬述學宮圖第七  
重簾可設荻幃匪陋開闔延賓躋堂稱壽聽政是憇退  
食是趨仰此庭廡職思其居述縣署圖第八  
南唐始名溯梁僑置經以編年緯以大事閱千百載沿  
革可識述紀事沿革表第一  
紆紱佩綬爲百族師僉曰予良行則委蛇亦有哲人勞  
心謇謇綜緝雖同優絀自顯布武將登能勿黽勉述職  
官表第二

東流縣志

卷之三十

序錄

七

珍球輝谷明珠媚川栞梓之華俊又高攀

聖皇側席野無遺賢櫛比鄉達以開爾先述選舉表第  
三

登彼中阿誕望籓垣湛湛江水臙臙周原爾有坂田黍  
既實之爾有沮洳穀亦殖之疆理名物與衆析之述疆

理志第一

匪巖何峙匪澤何渟一邱一壑山經海經密峯若屏中  
江如帶盤紆地軸靈秀所薈述山川志第二

郵亭官寺乳郭津堤經始有日繕葺有期後有作者毋  
荒三時述營建志第三

人浮于田三贏其一計粟納算以供賦役蠲租予復  
皇仁贍卹牧長徵調疇敢煩急述賦役志第四  
鴻都雅化膠序成林園橋之士皮弁橫琴文翁巴蜀延  
壽淮陰灑掃儒肆悠悠我心述學校志第五  
豐年丕登倉廩既盈亦有凶荒以佐餼糧蓋藏敗蝕典  
守是責述倉儲第六

聖以德馭不禁五兵警衛夙設斥埃綦明烽泥集燕角  
帳巢鷺有備無患斯焉永寧述兵防志第七  
練時涓日饗德報功清管合鬯潔饗和彤典祀有常明  
馨惟主羣黎百姓咸格來祐述祠祀志第八

東流縣志

卷之三十

序錄

八

提闕水門灌寢沃野督以塢流誨之堂下吏不明農古  
人所羞埭名召伯渠曰賈侯述溝洫志第九  
五行占兆術廢已久災祥達政如響斯叩樞機雖隘貞  
悔所誘述五行志第十

嫋嬛典籍渺不可覩樂石吉金沈寥亡補乃覲編名乃  
求斷章附采詠歌擷華彙芳述藝文志第十一  
元亮菊畦青蓮書榭江上風來遺踪心寫覽古稽疑諸  
馮歷山爰疏彭蠡征鴻未還述古蹟志第十二  
澤在一時報已千秋神君神父何德不醺春社豆觴伏  
臘鼓舞善政可循往哲是與述循吏傳第一



釋屨而仕宣猷四方幅巾華轂乃歸故鄉聲聞雖遙莫  
察匪邇里閭峻游實知君子述仕宦傳第二  
伏軾以趨鄭公之居束修自治化懋宗閭純德欵欵禮  
意蒸蒸藜藿不採實有所憑述鄉賢傳第三  
準仁軌義糜骨不悔正氣盤礴精貫宇內魂兮來歸歆  
享霽輝廉頑立懦爲邦家徽述忠節傳第四  
佩璲事親辟珥敬長孜孜庭戶藹藹嫺嫺書之象闕行  
道所仰述孝友傳第五  
經經緯史英聲淵職人握隋璣家傳荆壁倘遇邱生錦  
已餘尺桫榴一賦遂爲雄伯述文學傳第六

東流縣志

卷之三十

序錄

九

任邨之誼陰德之源貸鍾拯患推食爲恩麟之收骼君  
雲削券此有嗣音旨哉芳善述義行傳第七

頤游草澤志或有在身不可親名不可晦述隱逸傳第

八

維

清緝熙躋世仁壽皇皇

高宗集晏千叟茲鄉三老登

陞而侑引養引恬進揖台耇醺我醇醢滌我大斗憲言  
成福保艾而後述耆壽傳第九

樂著房中教始闡闡貞珉不移德音來括漆室未啟霜

鐙已灰皞皞日月懷清之臺述列女傳第十  
有客有客亦既戾止皎皎白駒亦既維止爾宅爾田無  
不宜之爾饑爾渴吐哺食之述流寓傳第十一  
色無色界是生因緣緣之所滅萬境無明振錫云何祇  
垣何基轉識理性仙釋同歸元之又元性何所依述釋  
道傳第十二  
嗟子謏聞敢曰精研入省舊史出咨名賢廣覽博徵集  
益繩愆載籍滲漏援引末專釐正雅俗或有得焉闕疑  
存信畧具簡編來詰糾匡願爲執鞭述叙錄第十三

東流縣志

掌修

安徽池州府東流縣知縣加五級紀錄十次特保遇缺陞用又卓異加一級吳

篴  
江蘇如

纂修

翰林院庶吉士原任安徽鳳臺縣知縣

李兆洛  
江蘇武

監生

張成孫  
江蘇武

監生

方履錢  
直隸大

廩生

李頰  
江蘇陽

協修

署安徽池州府東流縣知縣加五級紀錄五次

李書明  
山東濟

東流縣志

卷之

纂修姓氏

一

東流縣儒學教諭

朱蔭楷  
安徽鳳

原任東流縣儒學教諭

袁楫  
安徽廬

署東流縣儒學教諭

周志溶  
安徽巢

東流縣儒學訓導

史應曜  
江蘇溧

署東流縣儒學訓導

汪應鹿 安徽太  
路步蟾  
安徽人 安徽人 安徽人

贊修

東流縣吉陽巡檢

胡濟  
浙江山

東流縣典史

陶廷琇  
浙江會

分修

拔貢生

周有榮  
以下皆

恩貢生

馮紹言

歲貢生

何盛勳

廩膳生

章士拔

廩膳生

陳禮

校對

增生

章振麟

附生

江正榮

附生

楊之鵠

附生

金綸

監生

章憲

東流縣志

卷之

纂修姓氏

二

採訪

歲貢生

金階士

附生

周有忠

監生

陳應澍

附生

何獻瑞

附生

鄭躍鯉

監生

方亮彩

附生

朱燦

附生

蘇楷

廩膳生

劉秀瓊

附生

王聯科

監生

徐浚

附生

劉占鰲

監生

姚萬榮

附生

葉俊

附生

胡潤芝

附生

程拔

附生

朱觀國

附生

黃應起

附生

徐應麟

東流縣志

卷之

纂修姓氏

三

監生

吳南劔

廩膳生

洪惠

附生

周官聯

附生

歐陽文舉

增生

高銘

附生

江振宗

附生

江炳

附生

汪錦材

增生

吳鑑

廩膳生

高德鵠

增生

張汝楫

附生

馮元涵

附生

章步魁

廩膳生

張誠熾

附生

李易勣

增生

李映廷

附生

葉蔭榮

監生

汪貽康

附生

徐家棟

附生

傅商佐

東流縣志

卷之

纂修姓氏

四

附生

鄒繼衍

附生

吳象寬

監生

唐達

附生

陳大勲

監生

劉烈五

附生

章可道

附生

鄭有鳳

監生

檀森林

廩膳生

檀淳

監生

余崑源

附生

胡標

監生

胡正朝

繕寫

廩膳生

周世煒

附生

何勲

附生

葉映江

附生

張泉達

經理

監生

王陶璋

附生

胡有知

東流縣志

卷之

纂修姓氏

五

附生

宋占元

增生

葉孔章

勸捐

監生

朱鈞球

增生

何謹勲

附生

胡一崑

附生

陳昱

監生

金榮

附生

洪玉章

貢生

方士榮

附生

徐配

監生

宋啟迪

附生

胡家瑞

附生

黃昌連

附生

檀紫山

監生

程學山

附生

檀榜標

附生

張炳耀

附生

胡夢筆

附生

汪安越

東流縣志

卷之

纂修姓氏

六

附生

阮中鵠

附生

胡耀

監生

吳疊翠

監生

鮑玉

貢生

余金雲

附生

吳鯤翔

附生

吳之俊

監生

傅翔熙

監生

徐家鉉

貢生

周振柱



附生

戴溶

附生

周宗濂

附生

溫和

附生

李維城

廩膳生

汪會泉

監生

陳振玉

附生

方雲梅

附生

張永智

廩膳生

吳會

增生

陳治安

東流縣志

卷之

纂修姓氏

七

廩膳生

洪光耀

廩膳生

高德謨

附生

洪文鑑

貢生

吳邵青

監生

胡美士

附生

張格

附生

汪裕源

附生

馮紹舜

附生

馮洪恩

監生

馮中

監生

馮英

監生

章朝棟

貢生

劉興濟

監生

張思

附生

危光斗

增生

廖廷熾

附生

廖從效

附生

胡玉

附生

程道儀

監生

周清

東流縣志

卷之

纂修姓氏

八

監生

馮華國

監生

章之純

附生

方得雲

監生

胡振

監生

胡植

監生

陳世翥

附生

黃昌迪

經承禮房書吏

徐大貴

查核賦役典吏

高國棟

金陵周永言鐫

順治九年修縣志姓氏附

陳淑思何岌然張同仁孔尚豫黃雲會江恒何洞然張  
同京程範金用霖方廷春汪廷榜汪自潤李錦黃雲祥  
黃雲從江士宏葉春甲陳九疇金用效李鏵金應斗檀  
明濟張奇邢紹寬張命德洪廷勅吳自鏡汪甲龍汪潛  
龍黃衍齡黃雲程黃雲龍檀明善馮士淳何如穀黃雲  
虬夏允中張三德金仲聲陳大侃宋希玠宋之綱張環  
黃甲先馮奇達馮儀舜檀明俊馮人存金嘉遇李之魁  
黃雲升黃甲新檀明易朱孔揚張希檀元興陶有範汪  
元選汪宗海胡其健吳宗夔吳啟元吳思參吳振綱汪

東流縣志

卷之

纂修姓氏

九

作霖宋從龍何一華何瀾然何如璧何珊章度葉春喬  
劉震旂汪元滙章于闇李允燮徐用權許應科許尚見  
李正亨陳大育馮用張有吉歐陽燧張朶李天培吳達  
高知新張四維傅訓王治一周尚寅吳贊極危標龐仍  
淳馮紹舜鄭之麟張儀高郭應選黃雲奇夏雲何如赤  
郭畧金榜以上  
參閱王台臣吳立寅傅質馮陳一金大俊吳  
貞元余政德宋神龍何希鬻何賡楫馮秉忠許臣達王  
正彬徐聘賓陶首春汪汝東王棠金大儒傅良述汪嗣  
賢胡用禮朱天然朱昇程國選劉鼎依陳大俊以上  
採訪繕  
書孔聞誠錄稿羅大勳禮房書辦周尚品

乾隆二十三年重修東流縣志姓氏

江南池州府東流縣知縣蔣綬東流縣儒學教諭左亮  
東流縣儒學訓導蔣培穀東流縣典史張永輝國子監  
教習候補教諭邑人汪思迴舉人李承祚恩貢黃光曦  
拔貢吳麟占周揚烈金廷濬歲貢檀振大貢生檀應豐  
金懋仁洪宗山檀紹文胡道鉉廩膳生吳原滙汪有則  
周士好生員馮荃王念祖朱可贊朱天翼金元勳汪霖  
程道坦章彬張斌歐陽毅方浩然戴露金受谷馮潔陳  
順宋廷對陳元龍徐書彬高揚吳贊洪範張周朱士培  
江楫危永安周寬家傅蓜汪鍾靈檀之儲李璜祚金臺

東流縣志

卷之

纂修姓氏

十

陳錫熟黃昌廷吳原渺金大鵬州同周三省職員徐堃  
章美宅汪學經胡滋聖考職監生周嘉鑾監生周翼吳  
履祥張俊吳兆龍周驄文江開基余龍驤黃甲期胡大  
觀金世傑馮信汪熊焯張全嘏吳健山何泰滄歐陽勛  
張其翮何羹朱嘉芑周錦葉文謨何應玠金廷佐黃紹  
白金廷彥吳麟祥何冉何之書廖志英龐培廣鄭家仁  
胡有箕陶宗曾李士俊查核賦役典吏朱士楷